



22.238
7772.1
=40






五代史記卷第七十

廬陵歐陽脩撰



南昌彭元瑞注



徐無黨原注

劉鳳誥排次

四夷附錄第二

兀欲東丹王突欲子也突欲奔于唐兀欲留不從號永康王契丹好飲人血突欲左右姬妾多刺其臂吮之其小過輒挑目割灼不勝其毒然喜賓客好飲酒工畫頗知書其自契丹歸中國載書數千卷樞密使趙延壽每假其異書醫經皆中國所無者明宗時自滑州朝京師遙領武信軍節度使食其俸賜甲第一區宮女數人契

丹兵助晉于太原唐廢帝遣宦者秦繼旻皇城使李彥

紳殺突欲于其第晉高祖追封突欲為燕王契丹國志東丹王名

突欲太祖長子母曰述律氏太祖攻渤海拔其夫餘城

更名曰東丹國命其長子突欲鎮東丹號人皇王時唐

明宗初年也太祖崩于渤海述律后使少子安端少君

守東丹與長子突欲奉太祖之喪發渤海先是突欲鎮

東丹時乃渤海國亦有宮殿被十二旒冕服皆畫龍像

稱制行令凡渤海左右平章事大內相已下百官皆其

國自除授歲貢契丹國細布五萬疋籠布十萬疋馬一

千匹太祖崩述律后愛中子德光欲立之至西樓命與

突欲俱乘馬立帳前謂諸將曰二子吾皆愛之莫知所

立汝曹擇可立者執其轡諸將知意爭躍曰願事元

帥太子后曰眾之所欲我安敢違遂立之為天皇王稱

皇帝突欲愠帥數百騎欲奔唐為邏者所遏后不罪遣

歸東丹唐明宗長興元年突欲自以失職帥部曲四十

人越海自登州奔唐明宗賜姓東丹名慕華以為懷化

節度使瑞慎等州觀察使共部曲及先所俘將楊隱等

皆賜姓名楊隱姓狄名懷患次年明宗更賜東丹慕華

姓名曰李贊華明宗長興三年以贊華為義成節度使

選朝士為僚屬輔之贊華但優游自奉不務政事明宗

嘉之雖時有不法亦不問以莊宗後宮夏氏妻之贊華

好飲人血姬妾多刺臂以吮之婢僕小過或抉目或刀

割火灼夏氏不忍其殘奏離婚為尼贊華之歸唐乘船

踰海因于海岸上立木為碑惟書二十漢字詩云小山

壓大山大山全無力羞見故鄉人從此投外國贊華性

好讀書不喜射獵初在東丹時令人賫金寶私入幽州

市書載以自隨凡數萬卷置書堂于盤巫閭山上扁曰

望海堂潞王末年石晉內叛求援契丹潞王已危乃遣

宦者秦繼旻皇城使李彥紳殺之贊華遇害于其第石

晉詔贈贊華燕王遣使送其喪歸國其後太宗破石晉

入中原求得李彥紳秦繼旻殺之以其家族財物賜東

丹王子兀欲兀欲後即位為世宗葬之鑿巫閭山謚讓

國皇帝五代會要晉天福元年十二月追封故東丹王

王李贊華為燕王宣和書畫譜李贊華北虜東丹王

初名突欲保機之長子唐同光中從其父攻渤海扶餘

城下之改為東丹國以突欲為東丹王避嗣主德光之

逼逐遂越海抵登州而歸中國唐明宗長興元年十二

月也明宗賜與甚厚仍賜姓東丹名慕華以其來自遼

五不身言卷之三 四身四金

五不身言卷之三 四身四金

五不身言卷之三 四身四金

五不身言卷之三 四身四金

五不身言卷之三 四身四金

東乃以瑞州爲懷化軍拜懷化軍節度使瑞慎等州觀察使又賜姓李更名贊華始汎海歸中國載書數千卷自隨尤好畫多寫貴人酋長至抽戈挾彈牽黃臂蒼服用皆縵胡之纓鞍勒率皆瓌奇不作中國衣冠亦安於所習者也然議者以謂馬尚豐肥筆乏壯氣其確論歟清異錄契丹東丹王突欲買巧石數峰目爲空青府德光滅晉兀欲從至京師德光殺繼旻彥紳籍其家貲悉以賜兀欲德光死藥城兀欲與趙延壽及諸大將等俱入鎮州延壽自稱權知軍國事遣人求鎮州管鑰于兀欲兀欲不與延壽左右曰契丹大人聚而謀者詢詢必有變宜備之今中國之兵猶有萬人可以擊虜不然事必不成延壽猶豫不決兀欲妻延壽以爲妹五月朔旦兀欲召延壽及張礪李崧馮道等置酒酒數行兀欲

謂延壽曰妹自上國來當一見之延壽欣然與兀欲俱入食頃兀欲出坐笑謂礪等曰燕王謀反鎖之矣諸君可無慮也又曰先帝在汴州與我算子一莖許我知南朝軍國事昨聞寢疾無遺命燕王安得自擅邪礪等罷去兀欲召延壽廷立而詰之延壽不能對乃遣人監之而籍其家貲兀欲宣德光遺制曰永康王大聖皇帝之嫡孫人皇王之長子可于中京卽皇帝位中京契丹謂鎮州也遣使者告哀于諸鎮蕭翰聞德光死棄汴州而北至鎮州兀欲已去翰以騎圍張礪宅執礪而責曰汝教先帝勿用故人爲節度使何也礪對不屈翰鎖之是

夕礪卒兀欲爲人雋偉亦工畫能飲酒好禮士德光嘗
賜以絹數千匹兀欲散之一日而盡兀欲已立先遣人
報其祖母述律述律怒曰我兒平晉取天下有大功業
其子在我側者當立人皇王背我歸中國其子豈得立
邪乃率兵逆兀欲將廢之兀欲留其將麻荅守鎮州晉
諸將相隨德光在鎮州者皆留之而去以翰林學士徐
台符李澣從行與其祖母述律相距于石橋述律所將
兵多亡歸兀欲兀欲乃幽述律于祖州祖州阿保機墓
所也述律爲人多智而忍阿保機死悉召從行大將等
妻謂曰我今爲寡婦矣汝等豈宜有夫乃殺其大將百

餘人曰可往從先帝左右有過者多送木葉山殺于阿
保機墓隧中曰爲我見先帝于地下大將趙思溫本中
國人也以材勇爲阿保機所寵述律後以事怒之使送
木葉山思溫辭不肯行述律曰汝先帝親信安得不往
見之思溫對曰親莫如后后何不行述律曰我本欲從
先帝于地下以子幼國中多故未能也然可斷吾一臂
以送之左右切諫之乃斷其一腕而釋思溫不殺初德
光之擊晉也述律嘗非之曰吾國用一漢人爲主可乎
德光曰不可也述律曰然則汝得中國不能有後必有
禍悔無及矣德光死載其尸歸述律不哭而撫其尸曰

待我國中人畜如故然後葬汝已而兀欲囚之後死于木葉山兀欲更名阮號天授皇帝改元曰天祿五代會要會同

十年五月宣遺制以永康王烏雲襲其尊位永康王者東丹王托雲之長子也烏雲自以猶子不當嗣位且不

奉祖母之命其諸部首領素畏舒魯氏之酷法復以安巴堅死於渤海國被殺者百人今德光没于漢地慮必

獲罪如前同謀以其月二十一日領部族歸國舒魯氏歸於石橋番中地名其眾悉降於烏雲命送舒魯氏於

安巴堅明殿以幽之安巴堅陵寢謂之明殿是歲八月乃改會同十年為天祿元年自稱天授皇帝

葬德光于木葉山遣人至鎮州召馮道和凝等會葬使者至鎮州鎮州軍亂大將白再榮等逐出麻荅據定州

已而悉其眾以北麻荅者德光之從弟也契丹國志麻荅太宗之從

弟也會同九年契丹攻黎陽麻荅先驅晉博州刺史周儒以城降未幾周儒引麻荅自馬家口濟河營于東岸

攻鄆州北津又陷德州擒刺史尹居璠太宗南入大梁以麻荅為安國節度使又以為中京留守至恒州崔廷

勳見麻荅趨走拜起跪而獻酒麻荅踞而受之麻荅貪殘猾忍民間有珍貨美女必奪取之又捕村民誣以為

盜披面抉目斷腕焚炙而殺之欲以威眾常以其自隨左右前後懸人肝膽手足飲食起居于其間語笑自

若吾國無忌也又以宰相負不足乃牒馮道判史館李崧判宏文館和凝判集賢對煦判中書其僭妄如此然

契丹威犯法無所容貸故市肆不擾常恐漢人亡去謂門者曰漢有窺門者即斷其首來麻荅遣使督運于洛

州防禦使薛懷讓聞漢高祖入大梁殺其使者舉州降高祖遣兵萬人會懷讓攻劉鐸于邢州不克鐸請兵于

麻荅遣其將楊安及前義武節度使李殷將千騎攻懷讓于洛州懷讓嬰城自守安等縱兵大掠于邢洛之境

契丹所畱守不滿一千麻荅令所司給萬四千人食收其食以自人麻荅常疑漢兵且以為無用稍稍廢省又

損其食以飼蕃兵眾心怨忿漢兵謀攻麻荅然畏契丹尚強猶豫未決會楊衮楊安等軍出契丹畱恒州者僅八百人何福進等遂決計未幾召馮道李崧會葬太宗

漢兵突入府中焚衙門與契丹戰會日暮有村民數千
噪于城外欲奪北兵寶貨婦女北兵懼而北遁麻荅劉
晞崔廷勳皆奔定州與義成節度使耶律忠合漢有白
再榮者拘人取財恒州謂之白麻荅虐可知矣麻荅歸
世宗殺之通鑑注宋白曰麻荅本名解里德光滅晉
阿保機之從子也其父曰撒剌歸梁死於汴
以爲邢州節度使兀欲立命守鎮州麻荅尤酷虐多略
中國人剝面抉目拔髮斷腕而殺之出入常以鉗鑿挑
割之具自隨寢處前後掛人肝脛手足言笑自若鎮定
之人不勝其毒麻荅已去馮道等乃南歸漢乾祐元年
兀欲率萬騎攻邢州陷內邱契丹入寇常以馬嘶爲候
其來也馬不甚嘶鳴而矛戟夜有光又月蝕虜衆皆懼
以爲凶雖破內邱而人馬傷死者大半五代會要漢乾祐三年十一月

烏雲率騎數萬南寇陷邢州之內邱縣深州之饒陽縣兀欲立五年會諸部酋長

復謀入寇諸部大人皆不欲兀欲強之燕王述輒與太
寧王嘔里僧等率兵殺兀欲于大神淀德光子齊王述
律聞亂走南山契丹擊殺述輒嘔里僧而迎述律以立
述律立改元應歷號天順皇帝後更名璟述律有疾不
能近婦人左右給事多以宦者然畋獵好飲酒不恤國
事每酣飲自夜至旦晝則常睡國人謂之睡王初兀欲
常遣使聘漢使者至中國而周太祖入立太祖復遣將
軍朱憲報聘憲還而兀欲死述律立遂不復南寇五代會要
周廣順元年正月太祖命左千牛衛將軍朱憲往修和好烏雲亦遣使雅古吉報命獻良馬四匹太祖復命尚

書左丞田敏供奉官蔣光遂銜命往聘至其年四月敏
等迴烏雲遣使什哩獻碧玉金鍍銀裹鞍轡并馬四十
匹其月太祖又命左金吾將軍姚漢英右神武將軍華
光裔往使至其年九月烏雲為部下太寧王偉王子燕
王碩岳所殺舒嚕德光之子勒所部誅太寧王碩岳舒
嚕自立號天順皇帝改名璟稱應歷元年顯德元年春
太原劉崇將圖南寇舒嚕使蕃將楊衮率朔騎萬餘以
助之三月世宗親征與崇戰於潞州高平縣之南原崇
軍大敗蕃眾棄甲而遁二年二月命許州節度使王彥
超等築壘於李晏口與番兵數千騎戰於安平縣之南
敗顯德馬令南唐書保大十二年秋七月契丹使其舅
之顯德來聘昇元中宋齊邱選宮嬪雜以珠貝羅綺泛
海北通契丹欲賴之以復中原而虜使至則厚幣遣還
迨至淮北輒使人刺之復遣使公海齎琛寶以報聘虜
意晉人殺其使數犯中原至是館虜使於清風驛夜醮
更衣盜斬其首契丹自此不至益中原間之也 陸游
南唐書保大十二年秋七月契丹使其舅來聘夜宴清
風驛盜斬契丹使亡去捕之不符或以為周人也自是
契丹遂不至 又烈祖昇元二年契丹主耶律德光及
其弟東丹王各遣使以羊馬入貢別持羊三萬口馬二

百匹來鬻以其價市羅純茶藥烈祖從之於是翰林院
進二丹入貢圖詔中書舍人江文蔚作贊其詞曰皇帝
建西都之歲神功邁於三古皇風格於四裔華夷咸若
駿奔結軌粵六月契丹使梅里捺盧古東丹使兵器寺
少令高徒煥奉書致貢咸集都邑公卿庶尹拜手稽首
稱賀以為文德所服受命之符也若迺鴻荒以降驟步
相侔耀武以信威有所不及任算以御物有所不從詩
頌太原之師則用伐矣漢開朔方之地則崇力矣若我
宣猷大麓儷德無私刑于朝廷以及于荒服旃裘左袵
捧日分光殊方異產充庭納費易曰垂衣裳而天下治
斯之謂矣有司紀美烈于繪事傳曰主上明聖而德不
聞有司之過也職在翰墨親覩隆平敢獻贊曰赫矣聖
武纂堯之緒要荒之長駿奔臣附伏波之柱單于之臺
遺鏃徒費獻琛靡來我后穆穆我網恢恢重譯日貢皇
哉唐哉四年德光遣使獻馬百匹於是烈祖遣通事舍
人判四方館事歐陽遇借鴻臚少卿使契丹假道於晉
高祖不可遇及境而復元宗嗣位遣使者公乘鎔航海
繼好既至而契丹主兀欲被殺弟述律遣元宗書曰大
契丹天順皇帝謹致書大唐皇帝闕下貴朝使公乘鎔
等自去秋已達東京海岸適遭國禍今年二月二十六

日部署一行并諸儀物兵鎧已至燕京茲蒙敦念先朝
踐修舊好既增摧痛又切感銘貴國長直官王朗陳篆
取間道先回用附咨報公乘鎔已遣伴送使陳植同回
止俟便風即令引道而公乘鎔亦以蠟封帛書其詞曰
臣鎔自去年六月離罌油七月至鎮東關遣王朗奉表
契丹九月乃有番官夷離畢部牛車百餘乘及鞍馬治
路置頓十月至東京留三日契丹主遣閑廐使王廷秀
稱詔勞問兼述泰寧王燕王九月同行大事兀欲即世
母妻併命又遼東以西水潦壞道數百里車馬不通今
年正月方至幽州館于愍忠寺先迎御容入宮言元欲
識唐皇帝面乃引見如舊儀問國書中機事臣即述奕
世歡好當謀分裂之事契丹主喜問復有何事臣云軍
機別有密書契丹主接置袖開乃云吾與唐皇帝一如
先朝往來因置酒合樂又諭臣曰使人遠泛巨海而至
不期骨肉間倏起此事道路所聞必亦憂恐手斟一玉
鍾酒先自啜乃以勸臣令飲釀自旦至日晡始罷自是
數遣使宣勞三日一賜食謹遣王朗齋設號子歸聞奏
散號子不知何等語也初宋齊邱謀間晉會契丹使燕
人高霸來聘歸至淮北唐陰遣人刺殺之霸有子乾從
行匿之濠州于是契丹頗信以為霸之死出於晉人保

大十二年述律遣其舅來夜宴清風驛起更衣忽仆於
地視之失其首矣厚賞捕賊不得久乃知周大將荆罕
儒知契丹使至思遣刺客刺之以間唐乃下令能得吾枕
者賞三百緡錢俄有劍客田英得之即給賞如約仍屏
人語之曰能得江南番使頭賞三千緡英果得之自是
唐與契丹遂絕及世宗兵出淮南勅暴我罪曰蠢爾淮
甸敢拒大邦跋扈飛揚垂六才載幸累朝多事與北虜
交通厚起戎心誘為邊患所罪狀我雖非一然首以通
契丹為興師之名方石晉以父事契丹而契丹每以兄
事南唐蓋戎狄習見唐之威靈故聞後裔在江南猶尊
之不敢與他國齒南唐亦頗恃以自驕其實
相結約撓中原皆虛詞非能為南唐助也
六年夏世

宗北征以保大軍節度使田景咸為淤口關部署右神
武統軍李洪信為合流口部署前鳳翔節度使王晏為
益津關部署侍衛親軍馬步都虞候韓通為陸路都部
署世宗自乾寧軍御龍舟艘船戰艦首尾數十里至益

津關降其首將而河路漸狹舟不能進乃捨舟陸行瓦

橋淤口關瀛漠州守將皆迎降方下令進攻幽州册府元龜

周李澣初仕晉為翰林學士晉末契丹犯關明年春隨

廬帳北行虜主永康王善待之永康入國以澣華人不

令隨從留住幽州供給亦厚永康為述軋所殺述律代

立部族首領多被戮永康妻弟曰蕭海真亦謂之蟬得

舍利為幽州節度使與澣相善每與澣言及中國意深

慕之澣常微以言挑之欣然遂納會定州節度使遣謀

者田重霸繼往幽州偵邏軍事每令潛至澣所密謀還

計澣亦致書于定帥致謝定帥表其事太祖哀澣羈離

異域常有南歸之意乃令田重霸齎詔賜之兼令澣兄

太子賓客濤密通家問澣得詔甚感太祖恩因重霸迴

致謝曰田重霸至伏蒙聖慈特頒明詔降日中之文字

慰天外之流離別述宸慈俾傳家信如見骨肉倍感君

親又奏陰事曰昨田重霸至為無與蕭海真詔勅祇有

兄濤家書不敢將出方欲遣田重霸却回至五月四日

海真差中門使趙珮傳語臣云昨擬差人齎絹書上南

朝皇帝請發兵來兼取得姚漢英等奏狀所貴聽信其

絹文印押了未封被趙珮通事懷內遺失交下憂怕不

知所為臣既認實心遂喚趙珮通事李解里來呈與書

詔當時聞于海真極喜引臣竊謝尋喚重霸于私宅相

見至五月二十六日又喚重霸于衙內一宿今月四日

令趙珮將銀十兩令與重霸兼傳語與臣云我心如鐵

石但令此人且迴諸事宿時說與一已令口奏候南

朝有文字來則別差人去今因奏陳皆據目前所得至

于機事兵勢權謀非臣愚為敢陳鄙欸伏乞妙延良弼

周詰嘉謨斷于宸衷用叶廟勝又與濤書言契丹述律

事云今王驕驕唯好擊鞠耽于內寵固無四方之志觀

其事勢不同已前親密貴臣尚懷異志即微弱可知不

敢備奏一則煩文一則恐涉為身計大好乘其亂弱之

時計亦易和若辦得來討惟速若世宗遇疾乃置雄州

且和亦惟速將來必不為河東也

于瓦橋關霸州于益津關而還周師下三關瀛漠兵不

血刃述律聞之謂其國人曰此本漢地今以還漢又何

惜邪述律後為庖者因其醉而殺之儒林公議契丹自

阿保機雄據燕北

九

四長付錄

五代史已卷第百二十三

九

九

九

之地修其國之威法諸戎遂漸為所制常得中國所賜
執錦以其精緻者藉地使牧豎汗踐之親近者或問其
故曰我國他日富盛是等固當踐之其用意貪侈豈易
盈哉自石晉求援為耶律德光所立約為父子之國歲
輸絹三十萬舉雁門以北及幽州之地為德光壽自是
失其控壓之要縻之無全策矣虜雖時有聘問不過豐
貂大賸顛駿數四而已其隣國曰渤海女真室韋達靼
奚霽之類皆奉之其民燦驚善鬪堪艱苦但眾寡不侔
故為所制耳梁及後唐時尚有來貢者自是沮問逼于
疆力晉高祖時桑維翰疏云契丹自數年來最為強盛
侵伐鄰國吞滅諸蕃蓋謂是也每與兵擾塞則傳一矢
為信諸國皆震懼奔會無後期者每戰必銜枚無喧專
顧指命統帥之下各有部陳書戰則望旗幟遇夜則或
鳴鉦或吹蠡角或為禽鳥之聲各隨部隊撤卷而去至
明不遺一旗軍令至峻常以什伍相分一人趨敵則什
伍助前後急不相赴援則盡誅之故其人能死戰而又
山後郡縣俗情篤實高上武士士農工商四者俱備以
資其用其主雖遷徙出入非廬不居然有垣壘宮室矣
其民雖疥墮寒冽非旃毳不禦然有衣服染績矣自開
運中德光亂華盡得吾朝帑寶圖書服噐工巧事多慕

擬中國久而益盛矣始石晉時關南山後初莊虜民既
不樂附又為虜所侵辱日久企思中國聲教常若偷息
苟生周世宗止平關南功不克就歲月既久漢民宿齒
盡逝新少者漸便習不怪然居常右虜下漢其間士人
及有識者亦嘗
悵然無可奈何

嗚呼自古夷狄服叛雖不繫中國之盛衰而中國之制
夷狄則必因其強弱予讀周日歷見世宗取瀛漠定三
關兵不血刃而史官譏其以王者之師馳千里而襲人
輕萬乘之重于萑葦之間以僥倖一勝夫兵法決機因
勢有不可失之時世宗南平淮甸北伐契丹乘其勝威
擊其昏怠世徒見周師之出何速而不知述律有可取
之機也是時述律以謂周之所取皆漢故地不足顧也

然則十四州之故地皆可指麾而取矣不幸世宗遇疾
功志不就然瀛漠三關遂得復爲中國之人而十四州
之俗至今陷于夷狄彼其爲志豈不可惜而其功不亦
壯哉夫兵之變化屈伸豈區區守常談者所可識也初
蕭翰聞德光死北歸有同州郃陽縣令胡嶠爲翰掌書
記隨入契丹而翰妻爭妬告翰謀反翰見殺嶠無所依
居虜中七年當周廣順三年亡歸中國略能道其所見
云自幽州西北入居庸關明日又西北入石門關關路
崖狹一夫可以當百此中國控扼契丹之險也又三日
至可汗州南望五臺山其一峯最高者東臺也又三日

至新武州西北行五十里有雞鳴山云唐太宗北伐聞
雞鳴于此因以名山明日入永定關此唐故關也又四
日至歸化州又三日登天嶺嶺東西連亘有路北下四
顧冥然黃雲白草不可窮極契丹謂嶠曰此辭鄉嶺也
可一南望而爲永訣同行者皆慟哭往往絕而復蘇又
行三四日至黑榆林時七月寒如深冬又明日入斜谷
谷長五十里高崖峻谷仰不見日而寒尤甚已出谷得
平地氣稍溫又行二日渡湟水又明日渡黑水又二日
至湯城淀地氣最溫契丹苦大寒則就溫于此其水泉
清冷草軟如茸可藉以寢而多異花記其二種一日旱

五代史記卷之三十三 四夷傳
金大如掌金色爍人一日青囊如中國金燈而色類藍可愛又二日至儀坤州渡麝香河自幽州至此無里埃其所向不知爲南北又二日至赤崖翰與兀欲相及遂及述律戰于沙河述律兵敗而北兀欲追至獨樹渡遂囚述律于撲馬山又行三日遂至上京所謂西樓也西樓有邑屋市肆交易無錢而用布有綾錦諸工作宦者翰林伎術教坊角觝秀才僧尼道士等皆中國人而并汾幽薊之人尤多自上京東去四十里至真珠寨始食菜明日東行地勢漸高西望平地松林鬱然數十里遂入平州多草木始食西瓜云契丹破回紇得此種以牛

糞覆棚而種大如中國冬瓜而味甘又東行至裏潭始有柳而水草豐美有息雞草尤美而本大馬食不過十本而飽自裏潭入大山行十餘日而出過一大林長二三里皆蕪黃枝葉有芒刺如箭羽其地皆無草兀欲時卓帳于此會諸部人葬德光自此西南行日行六十里行七日至大山門兩高山相去一里而長松豐草珍禽野卉有屋室碑石曰陵所也兀欲入祭諸部大人惟執祭噐者得入入而門闔明日開門曰拋蓋禮畢問其禮皆秘不肯言嶠所目見囚述律葬德光等事與中國所記差異已而翰得罪被鎖嶠與部曲東之福州福州翰

所治也嶠等東行過一山名十三山云此西南去幽州
二千里又東行數日過衛州有居人三十餘家蓋契丹
所虜中國衛州人築城而居之嶠至福州而契丹多憐
嶠教其逃歸嶠因得其諸國種類遠近云距契丹國東
至于海有鐵甸其族野居皮帳而人剛勇其地少草木
水鹹濁色如血澄之久而後可飲又東女真善射多牛
鹿野狗其人無定居行以牛負物遇雨則張草爲屋常
作鹿鳴呼鹿而射之食其生肉能釀糜爲酒醉則縛之
而睡醒而後解不然則殺人又東南渤海又東遼國皆
與契丹略同其南海曲有魚鹽之利又南奚與契丹略

同而人好殺戮又南至于榆關矣西南至儒州皆故漢
地西則突厥回紇西北至嫪厥律其人長大髦頭酋長
全其髮盛以紫囊地苦寒水出大魚契丹仰食又多黑
白黃貂鼠皮北方諸國皆仰足其人最勇隣國不敢侵
又其西轄夏又其北單于突厥皆與嫪厥律略同又北
黑車子善作車帳其人知孝義地貧無所產云契丹之
先常役回紇後背之走黑車子始學作車帳又北牛蹄
突厥人身牛足其地尤寒水曰葫蘆河夏秋水厚二尺
春冬冰徹底常燒器銷冰乃得飲東北至韃劫子其人
髦首披布爲衣不鞍而騎大弓長箭尤善射遇人輒殺

而生食其肉契丹等國皆畏之契丹五騎遇一韃劫子則皆散走其國三面皆室韋一曰室韋二曰黃頭室韋三曰獸室韋其地多銅鐵金銀其人工巧銅鐵諸器皆精好善織毛錦地尤寒馬溺至地成冰堆又北狗國人身狗首長毛不衣手搏猛獸語爲犬嗥其妻皆人能漢語生男爲狗女爲人自相婚嫁穴居食生而妻女人食云嘗有中國人至其國其妻憐之使逃歸與其筋十餘隻教其每走十數里遺一筋狗夫追之見其家物必銜而歸則不能追矣其說如此又曰契丹嘗選百里馬二十匹遣十人齎乾餒北行窮其所見其人自黑車子歷

牛蹄國以北行二年經四十三城居人多以木皮爲屋其語言無譯者不知其國地山川部族名號其地氣遇平地則溫和山林則寒冽至三十三城得一人能鐵甸語其言頗可解云地名頡利烏于耶堰云自此以北龍蛇猛獸魑魅羣行不可往矣其人乃還此北荒之極也契丹謂嶠曰夷狄之人豈能勝中國然晉所以敗者主暗而臣不忠因具道諸國事日子歸悉以語漢人使漢人努力事其主無爲夷狄所虜吾國非人境也嶠歸錄

以爲陷虜記云

原注契丹年號諸家所記舛謬非一莫可攷正惟嘗見于中國可據也據耶律

德光立晉高祖冊文云惟天顯九年歲次丙申是歲乃晉天福元年推而上之得唐天成三年戊子爲天顯元

年按契丹附錄德光與唐明宗同年而立立三年改元
天顯與此正合矣又據開運四年德光滅晉入汴賜赦
稱會同十年推而上之得天福三年爲會同元年是天
顯盡十年而十一年改爲會同矣惟此二者其據甚明
餘皆不足攷也附錄所載夷狄年號
多畧不書蓋無所用故不必備也

五代史記卷第七十二

五代史記卷第七十四

廬陵歐陽脩撰

徐無黨原注

南昌彭元瑞注

劉鳳誥排次

四夷附錄第三

奚本匈奴之別種當唐之末居陰涼川在營府之西幽
州之西南皆數百里有入馬二萬騎分爲五部一曰阿
蒼部二曰啜米部三曰粵質部四曰奴皆部五曰黑訖
支部後徙居琵琶川在幽州東北數百里地多黑羊馬
趨前蹄堅善走其登山逐獸下上如飛契丹阿保機強
盛室韋奚霫皆服屬之奚人常爲契丹守界上而苦其

苛虐奚王去諸怨叛以別部西徙媯州依北山射獵常
採北山麝香仁參賂劉守光以自託其族至數千帳始
分爲東西奚去諸之族頗知耕種歲借邊民荒地種糶
秋熟則來獲窖之山下人莫知其處爨以平底瓦鼎煮
糶爲粥以寒水解之而飲去諸卒子掃刺立莊宗破劉
守光賜掃刺姓李更其名紹威紹威卒子拽刺立同光
以後紹威父子數遣使朝貢初紹威娶契丹女舍利逐
不魯之姊爲妻後逐不魯叛亡入西奚紹威納之晉高
祖入立割幽州雁門以北入于契丹是時紹威與逐不
魯皆已死耶律德光已立晉北歸拽刺迎謁馬前德光

曰非爾罪也負我者掃刺與逐不魯爾乃發其墓粉其
骨而颺之後德光滅晉拽刺常以兵從其後不復見于
中國自去諸徙媯州自別爲西奚而東奚在琵琶川者
亦爲契丹所并不復能自見云

五代會要奚本匈奴別種卽東胡之地人物風

俗與突厥同族有五姓一曰阿菴部管縣六二曰啜米部管縣四三曰粵質部管縣六四曰奴皆部管縣四五曰黑訖支部管縣三每部有刺史每縣有令酋長號奚王唐制兼饒樂府都督居陰涼州東去營府五百里南去幽州九百里幽州置饒樂府長史一人以監之人馬約二萬後徙居琵琶川在幽州東北數百出古北口地宜羊馬羊則純黑馬則前蹄堅善走以馳獵爲務逐獸高山自下而上其勢若飛語與契丹小異爨以平底瓦鼎煮糶爲粥既飪以寒水解之而食每春借邊民之荒田種糶秋熟乃來持獲畢則害于山下人莫知其處所以木爲碓斲椽爲臼所受不過一斗自天祐初契丹兵力漸盛室韋奚霫皆受制焉故奚之部族爲契丹代

守邊土暨契丹虐其首領去諸怨之以別部內附徙于
 媯州依山而居漸至數千帳故有東西奚之號去諸
 卒其子掃刺代立後唐莊宗破幽州賜掃刺姓李名紹
 威後唐同光元年十二月遣使朝貢三年九月以莊宗
 誕節至遣使表貢方物天成四年掃刺因剪爪傷乃卒
 其子素姑代立亦時遣使入朝清泰三年七月其首領
 達刺千遣通介老奏其王素姑謀叛欲附契丹已處置
 訖權知部落廢帝降詔以撫慰之晉天福元年高祖以
 契丹有助立之功割雁門以北及幽州之地以賂之由
 是奚之部族復隸于契丹自後常為契丹之所役屬開
 運三年十二月契丹犯關其王拽刺以所部兵屯于洛
 陽及契丹歸隨衆北遁通鑑注五姓奚一阿薈部二
 處和部三粵失部四度稽部五元
 俟折部各有辱紇主為之酋領

吐渾本號吐谷渾或曰乞伏乾歸之苗裔自後魏以來
 名見中國居于青海之上當唐至德中為吐蕃所攻部
 族分散其內附者唐處之河西其大姓慕容拓拔赫連

等族懿宗時首領赫連鐸為陰山府都督與討龐勛以
 功拜大同軍節度使為晉王所破其部族益微散處蔚
 州界中莊宗時有首領白承福者依中山北石門為柵
 莊宗為置寧朔奉化兩府以承福為都督賜其姓名為
 李紹魯終唐時常遣使朝貢中國晉高祖立割雁門以
 北入于契丹于是吐渾為契丹役屬而苦其苛暴是時
 安重榮鎮成德有異志陰遣人招吐渾入塞承福等乃
 自五臺山入處中國契丹耶律德光大怒遣使者責謂
 高祖高祖恐懼遣供奉官張澄率兵搜索并鎮忻代等
 州山谷中吐渾驅出之然晉亦苦契丹思得吐渾為緩

急之用陰遣劉知遠鎮太原慰撫之終高祖時承福數遣使者朝貢後出帝與契丹絕盟召承福入朝拜大同軍節度使待之甚厚契丹與晉相距于河承福以其兵從出帝禦虜是歲大熱吐渾多病死乃遣承福歸太原居之嵐石之間劉知遠稍侵辱之承福謀復亡出塞知遠以兵圍其族殺承福及其夫姓赫連海龍白可久白鐵匱等其羊馬貲財鉅萬計皆籍沒之其餘眾以其别部王義宗主之吐渾遂微不復見初唐以承福之族為熟吐渾長興中又有生吐渾杜每兒來朝貢每兒不知其國地部族至漢乾祐二年又有吐渾何戛刺來朝不

知為生熟渾蓋皆微不足考錄

唐會要乾寧元年六月李克用大破吐谷渾

五代會要吐渾本吐谷渾也唐咸通中酋長有赫連鐸者從太原節度使康承訓平徐方有功朝廷授鎮武節度使復盜據雲中後唐太祖逐之乃歸幽州李匡儔其部族散居蔚州界立為酋長其居不常有白承福者自同光初代為都督依中山地石門為柵莊宗賜其額為寧朔奉化兩府以都督為節度使仍賜承福姓李名紹魯其畜牧就善水草丁壯常數千人羊馬生息入市中土朝廷常存恤之後唐天成三年二月其都督李紹魯等遣使進馬一百二十四匹明宗嘉之賜紹魯竭忠策與復功臣金紫光祿大夫檢校太保至四年八月其首領念公川來朝貢其年十月別部首領薛冀堆進狀乞授嵐州刺史明宗在藩時常與冀堆有舊欲許之樞密使安重誨力諫乃止長興元年三月竟以冀堆為嵐州刺史仍賜名萬通清泰三年二月以寧朔奉化兩府雷後白可久超授檢校司徒副使赫連海龍檢校尚書左僕射兩府大夫李鐵匱檢校尚書右僕射晉天福元年高祖以契丹有立功割雁門以北及幽州之地以賂之由是吐渾部族皆隸于契丹其後苦契丹之虐政

部族皆怨之復為鎮州節度使安重榮所誘乃背契丹
率車帳羊馬取五臺路歸國契丹大怒以朝廷招納叛
亡遣使責誚六年正月晉高祖命供奉官張澄各率兵
二千搜索并鎮忻代四州山谷中吐渾還其舊地然亦
以契丹誅求無厭心不平之命漢高祖出鎮太原潛加
撫慰其年五月其大首領白承福及麾里念虎里赫連
功德等來朝九月又遣首領白承福及麾里念虎里赫連
契丹之好數召其酋長入朝厚加錫宴每大讌會皆命
列坐於勛臣之次至開運中捍虜於澶州召承福等率
其部眾從行屬歲多暑熱部下多死復遣歸太原移帳
於嵐石州界然承福馭下無方多干軍令其子族白可
久名在承福之亞因牧馬率本帳北遁契丹授以官爵
復遣潛誘承福承福亦思叛去事未果漢祖知之乃以
兵環其部族擒承福族與白鐵匱赫連海龍等五家凡
四百餘人伏誅籍其牛馬命
別部長王義宗統其餘屬

而部族分散或屬契丹或屬渤海其別部散居陰山者

達靺鞨之遺種本在奚契丹之東北後為契丹所攻

自號達靺當唐末以名見中國有每相溫于越相溫咸
通中從朱邪赤心討龐勛其後李國昌克用父子為赫
連鐸等所敗嘗亡入達靺後從克用入關破黃巢由是
居雲代之間其俗善騎射畜多駝馬其君長部族名字
不可究見惟其嘗通于中國者可見云同光中都督折
文逋數自河西來貢駝馬明宗討王都于定州都誘契
丹入寇明宗召達靺入契丹界以張軍勢遣宿州刺史
薛敬忠以所獲契丹團牌二百五十及弓箭數百賜雲
州生界達靺蓋唐常役屬之長興三年首領頡哥率其
族四百餘人來附訖于顯德常來不絕

党項西羌之遺種其國在禹貢析支之地東至松州西接葉護南界春桑北鄰吐渾有地三千餘里無城邑而有室屋以毛罽覆之其人喜盜竊而多壽往往至百五六十歲其大姓有細封氏費聽氏折氏野利氏拓拔氏為最强唐德宗時党項諸部相率內附居慶州者號東山部落居夏州者號平夏部落部有大姓而無君長不相統一散處邠寧鄜延靈武河西東至麟府之間自同光以後大姓之强者各自來朝貢明宗時詔沿邊置場市馬諸夷皆入市中國而回鶻党項馬最多明宗招懷遠人馬來無駑壯皆售而所售常過直往來館給道路

倍費其每至京師明宗為御殿見之勞以酒食既醉連袂歌呼道其土風以為樂去又厚以賜資歲耗百萬計唐大臣皆患之數以為言乃詔吏就邊場售馬給直止其來朝而党項利其所得來不可止

五代會要四年十月勅沿邊藩鎮或有蕃部賣馬可擇其良壯者給券具數以聞先是上問

見管馬數樞密使范延光奏天下常支草粟者近五萬匹見今西北諸蕃賣馬者往來如市其郵傳之費市估之直日四五千貫以臣計之國力十耗其七馬無所使財賦漸銷朝廷甚非所利上善之乃降是勅冊府元龜長興四年十月帝問見管馬數范延光奏曰天下常支草粟者近五萬匹見今西北諸蕃部賣馬者往來如市其郵傳之費中估之價日四五千貫以臣計之國力十耗其七馬無所使財賦坐銷朝廷將不濟馮贇奏曰金商州每年上供絹不過六百疋臣給馬價每日約支五千餘疋臣等思惟無益之甚乞陛下深悟其理帝曰卿等商略可否以聞延光等議戒緣邊鎮戍蕃部賣馬

即擇其良壯給券具數以聞從之

其在靈慶之間者數犯邊為盜自河西回鶻朝貢中國道其部落輒邀劫之執其使者賣之他族以易牛馬明宗遣靈武康福邠州藥彥稠等出兵討之福等擊破阿埋韋悉褒勒強賴埋厮骨尾及其大首領連香李八薩王都統悉那埋摩侍御乞埋嵬悉浦等族殺數千人獲其牛羊鉅萬計及其所劫外國寶玉等悉以賜軍士由是党項之患稍息至周太祖時府州党項尼也六泥香王子拓拔山等皆來朝貢廣順三年慶州刺史郭彥欽貪其羊馬侵擾諸部獨野雞族強不可近乃誣其族犯邊太祖遣使招慰之野雞族苦彥欽

不肯聽命太祖遣邠州折從阮寧州刺史張建武等討之建武勇于立功不能通夷情馳軍擊野雞族殺數百人而喜玉折思殺牛三族聞建武擊破野雞族各以牛酒犒軍軍士利其物反劫掠之三族共誘建武軍至包山度險三族共擊之軍投崖谷死傷甚眾太祖怒罪建武等選良吏為慶州刺史以招撫之其他諸族散處沿邊界上者甚眾然其無國地君長故莫得而紀次云五代史党項其俗皆土著居有棟宇織毛罽以覆之尚武其人多壽至百五十六十歲不事生業好為盜賊党項自同光以後大姓之强者各自來朝貢明宗時詔沿邊置場市馬諸夷皆入市中國有回鶻党項馬最多明宗招懷遠人馬來無鴛壯皆集而所售過常直往來館給道路倍費其每至京師明宗為御殿見之勞以酒食既醉

連袂歌呼道其土風以為樂去又厚以賜賚歲耗百萬計唐大臣皆患之數以為言乃詔吏就邊場售馬給直止其來朝而党項利其所得來不可止其在靈慶之間者數犯邊為盜自河西回鶻朝貢中國道其部落輒邀劫之執其使者賣之他族以易牛馬明宗遣靈武康福邠州藥彥稠等出兵討之福等擊破阿埋韋悉褒勒強賴埋厮骨尾及其大首領連香八薩王都統悉那埋摩侍御乞埋鬼悉連等族殺數千人獲其牛羊鉅萬計及其所劫外國寶玉等悉以賜軍士由是党項之患稍息其他諸族散處邊界上甚眾然皆無國邑君長故莫得而紀次云五代會要党項羌古析支之地漢西羌之別種其地東至松州南接春桑述桑諸羌北連吐谷渾處山谷間亘三千餘里種有數姓自為部落一姓之中復分為小部落有細封氏費聽氏析利氏野辭氏房當氏米禽氏拓拔最為強族俗皆土著居有棟宇織毛罽以覆之其人多壽或至百五六十歲不事生業好為盜竊前世或來朝貢自唐寶應貞元之後皆率部族內附居慶州號東山部落居夏州號平夏部落會昌初命三使以統之在寧延州界者命侍御史崔彥邠主之在夏州者命侍御史李霄主之在靈武麟勝州者命侍

御史鄭賀主之後唐同光二年二月遣使朝貢十二月其首領簿備香來貢良馬天成二年九月河西党項如連山等來朝貢進馬四十匹四年四月勅沿邊置場買馬不許蕃部至闕下自上御極已來党項之眾競赴都下賣馬嘗賜食于禁廷醉則連袂歌其土風凡將到馬無驚良並云上進國家雖約其價直以給之然計其館給賜賚每年不下五六萬貫大臣以為耗蠹中原無甚于此因降勅止之雖有是命竟不能行其年九月首領折遇明等來貢方物十月首領來有行來朝進馬四匹上御中興殿閱所進馬樞密使安重誨奏曰吐渾党項近日相次進馬皆給價直對見之時別賜繪帛計其所費不啻倍價請止之上以為國家常苦馬不足每錫綱收市今番言自來何費之有外蕃朝貢中國朝廷正月其首領來朝貢折家族五顛都知兵馬使折之正其年十二月以党項折家族都督簿備撤羅懷化司戈為檢校尚書右僕射簿備家族都督簿備撤羅懷化司戈部尚書二年正月首領折七移等進馬其年十二月又遣首領來獻所奪得契丹旗號并馬等三年正月以西路党項部族劫掠使臣及外域進奉命邠州節度使

藥彥稠靈武節度使康福等率步騎七千往方渠顛已
 來討其叛命者其年二月行營邠州節度使藥彥稠等
 奏誅党項阿埋三族韋悉褒勒疆賴埋廝骨尾屈悉保
 等十七族七百餘人又率兵自牛兒族入白魚谷追及
 背叛党項白馬慮家六族客戶三族獲大首領連香八
 薩王都統悉那埋摩侍御乞埋鬼悉逋等六人兼黨類
 二千餘人獲持馬牛羊數千計至晚師還野次其地無
 水軍士方渴餓有風雲自東而起是夜初更降雪一尺
 軍中以爲神助上令告捷使史萬山宣諭軍中所獲牛
 羊等物各令士卒自取勿得收斂以進奉爲名五代
 會要周廣順二年六月以府州党項泥也六族防禦使
 歸化將軍泥香王子又泥也欽首領拓拔山並爲歸德
 將軍三年二月慶州刺史郭彥欽奏党項野雞族掠奪
 商旅請出兵討之時彥欽驥貨嗜其利以州地野雞族
 多羊馬作法擾之番情獷悍屢不從順乃誣奏之太祖
 遣中使齎詔撫安部族既苦彥卿虐政不時報命遂詔
 邠州節度使折從阮合寧州刺史張建武兵進討之建
 武勇于立功徑趨野雞族追擊殺數十百人喜王族
 折思族殺牛族從無猜貳聞官軍討伐竟來餉餽官軍
 利其財貨皆劫掠之諸族乃相聚官軍至包山負險之

地逆戰敗之投崖谷死者甚衆折從阮保兵而退太祖
 怒彥卿勒歸私第左遷建武爲率府率命前解州刺史
 鄭元昭爲慶州刺史以招撫之

突厥國地君世部族名號物俗見于唐著矣至唐之末

爲諸夷所侵部族微散五代之際嘗來朝貢同光三年

渾解樓來天成二年首領張慕晉來長興二年首領杜

阿熟來天福六年遣使者薛同海等來凡四至其後不

復來然突厥于時最微又來不數故其君長史皆失不

能紀五代會要突厥之始前書載之備矣自號可汗猶

特勒別部領兵者皆謂之設其大官屈律啜次阿婆次

頡利法次吐屯次俟斤並代居其官而無員數父兄死

則子弟襲其位北番之中最爲強盛至唐室末爲諸番

領張慕晉朝貢長興二年正月其首領杜阿熟來朝貢
晉天福六年七月其首領遣使薛同海已下一十七人
來朝貢

吐蕃國地君世部族名號物俗見于唐著矣當唐之盛
時河西隴右三十三州涼州最大土沃物繁而人富樂
其地宜馬唐置八監牧馬三十萬匹以安西都護府羈
縻西域三十六國唐之軍鎮監務三百餘城常以中國
兵更戍而涼州置使節度之安祿山之亂肅宗起靈武
悉召河西兵赴難而吐蕃乘虛攻陷河西隴右華人百
萬皆陷于虜文宗時常遣使者至西域見甘涼瓜沙等
州城邑如故而陷虜之人見唐使者夾道迎呼涕泣曰

皇帝猶念陷蕃人民否其人皆天寶中陷虜者子孫其
言語稍變而衣服猶不改至五代時吐蕃已微弱回鶻
党項諸羗夷分侵其地而不有其人民值中國衰亂不
能撫有惟甘涼瓜沙四州常自通于中國甘州爲回鶻
牙而涼瓜沙三州將吏猶稱唐官數來請命自梁太祖
時常以靈武節度使兼領河西節度而觀察甘肅威等
州然雖有其名而涼州自立守將唐長興四年涼州畱
後孫超遣大將拓拔承謙及僧道士耆老楊通信等至
京師求旌節明宗問孫超等世家承謙曰吐蕃陷涼州
張掖人張義朝募兵擊走吐蕃唐因以義朝爲節度使

發鄆州兵二千五百人戍之唐亡天下亂涼州以東爲
突厥党項所隔鄆兵遂留不得返今涼州漢人皆其戍
兵子孫也明宗乃拜孫超節度使清泰元年留後李文
謙來請命後數年涼州人逐出文謙靈武馮暉遣牙將
吳繼勳代文謙爲留後是時天福七年明年晉高祖遣
涇州押牙陳延暉賁詔書安撫涼州涼州人共劫留延
暉立以爲刺史至漢隱帝時涼州留後折逋嘉施來請
命漢卽以爲節度使嘉施土豪也周廣順二年嘉施遣
人市馬京師因來請命帥是時樞密使王峻用事峻故
人申師厚者少起盜賊爲兗州牙將與峻相友善後峻

貴師厚弊衣蓬首日候峻出拜馬前訴以飢寒峻未有
以發而嘉施等來請帥峻卽建言涼州深入夷狄中國
未嘗命吏請募率府率供奉官能往者月餘無應募者
乃奏起師厚爲左衛將軍已而拜河西節度使師厚至
涼州奏薦押牙副使崔虎心陽妃谷首領沈念般等及
中國留人子孫王廷翰溫崇樂劉少英爲將吏又自安
國鎮至涼州立三州以控扼諸羌用其酋豪爲刺史然
涼州夷夏雜處師厚小人不能撫有至世宗時師厚留
其子而逃歸涼州遂絕于中國獨瓜沙二州終五代常
來沙州梁開平中有節度使張奉自號金山白衣天子

至唐莊宗時回鶻來朝沙州留後曹義金亦遣使附回鶻以來莊宗拜義金為歸義軍節度使瓜沙等州觀察處置等使晉天福五年義金卒子元德立至七年沙州曹元忠瓜州曹元深皆遣使來周世宗時又以元忠為歸義軍節度使元恭為瓜州團練使其所貢礪砂羚羊角波斯錦安西白氎金星礪胡桐律大鵬砂毘褐玉團皆因其來者以名見而其卒立世次史皆失其紀而吐蕃不見于梁世唐天成三年回鶻王仁喻來朝吐蕃亦遣使附以來自此數至中國明宗嘗御端明殿見其使者問其牙帳所居曰西去涇州二千里明宗賜以虎皮

人一張皆披以拜委身宛轉落其氎帽髮亂如蓬明宗

及左右皆大笑至漢隱帝時猶來朝後遂不復至史亦

失其君世云

五代史吐蕃本漢西羌之地或云南涼禿髮利鹿孤之後其子孫以允髮為國號語

訛為吐蕃國人號其主為贊普置大論小論以理國事其俗隨畜牧無常居然亦有城郭都城號邏些城不知

節候以麥熟為歲首唐時屢為邊患初唐分天下為十道河西隴右三州涼州最為大鎮天寶置八監牧

馬三十萬又置都護以控制之安祿山之亂肅宗在靈武悉召河西戍卒收復兩京吐蕃乘虛取河西隴右華

人百萬皆陷于吐蕃開成時朝廷嘗遣使至西域見甘涼瓜沙等州城邑如故陷吐蕃之人見唐使者旌節夾

道迎呼涕泣曰皇帝猶念陷蕃生靈否其人皆天寶中

蕃已微弱回鶻党項諸羗夷分侵其地而不有其人民

值中國衰亂不能撫有惟甘涼瓜沙四州常自通于中國甘州為回鶻牙帳而涼瓜沙三州將吏猶稱唐官數

而觀察甘肅威等州然雖有其名而涼州自立守將唐
 長興四年涼州留後孫超遣大將拓拔承謙及僧道士
 耆老楊通信等至京師明宗拜孫超節度使清泰元年
 留後李文謙來請命後數年涼州人逐出文謙靈武馮
 暉遣牙將吳繼與代文謙為留後是時天安撫涼州人
 晉高祖遣涇州押牙陳延暉賈詔書安撫涼州折逋
 共劫留延暉立以為刺史至漢隱帝時涼州周廣順二
 嘉施來請命漢即以為節度使嘉施土豪也周廣順二
 年嘉施遣人市馬京師是時樞密使王峻用事峻故人
 申師厚者少起盜賊為兗州牙將與峻相友善後峻貴
 師厚弊衣蓬首日候峻出馬前訴以飢寒峻未有以發
 而嘉施等來請帥峻即建言涼州深入夷狄中國未嘗
 命吏請募帥府率供奉官能往者月餘無應募者乃奏
 起師厚為左衛將軍已而拜河西節度使師厚至涼州
 奏薦押牙副使崔虎心陽妃谷首領沈念般等及中國
 畱人子孫王廷翰温崇樂劉少英為將吏又自安國鎮
 至涼州立三州以控扼諸羌用其酋豪為刺史然涼州
 夷夏雜處師厚小人不能撫有至世宗時師厚畱其子
 而逃歸涼州遂絕于中國獨瓜沙二州終五代常來沙
 州梁開平中有節度使張奉自號金山白衣天子至唐

莊宗時回鶻來朝沙州畱後曹義金亦遣使附回鶻以
 來莊宗拜義金為歸義軍節度使瓜沙等州觀察處置
 等使晉天福五年義金卒子元德立至七年沙州曹元
 忠瓜州曹元深皆遣使來周世宗時又以元忠為歸義
 軍節度使元恭為瓜州團練使其所貢硯砂羚羊角波
 斯錦安西白氈金星礬大鵬砂氍毹玉團皆因其來者
 以名見而其卒立世次史皆失其紀而吐蕃不見于梁
 世唐天成三年回鶻王仁裕來朝吐蕃亦遣使附以來
 自此數至中國明宗嘗御端明殿見其使者問其牙帳
 所居曰西去涇州三千里明宗賜以虎皮人一張皆披
 以拜委身宛轉落其氈帽髮亂如蓬明宗及左右皆大
 笑至漢隱帝時猶來朝後遂不復至史亦失其君世云
 種五代會要吐蕃在長安西入千里本漢西羌之地其
 禿髮為國號語訛謂之吐蕃國人號其王為贊普置大
 論小論以統理國事無文紀刻木為約其國王與臣下
 一年一盟三年一大盟其俗隨畜牧不常其居然亦
 有城郭小城號邏些城屋皆平頭貴人處於大氊帳謂
 之排盧不知諸蕃兵力日盛屢為邊患河西隴右常來朝貢
 自後吞併諸蕃節侯以麥熟為歲首唐貞觀中常來朝貢

為所取至大中初其國亂朝廷復得六關之地至唐室
未又為侵據唐分天下為十道河西隴右三十三州涼
州最為大鎮土地沃壤人物繁庶開元天寶中置監
牧馬三十萬雜畜稱是其西復置安西都護府距長安
八千里羈縻西番三十國軍鎮監務大小三百餘戍守
之兵皆取涼州節度及安祿山犯關肅宗在靈武盡召
西河戌卒收復兩京吐蕃乘虛遂取涼隴華人百萬陷
于吐蕃開成之際朝廷遣使還番過涼肅瓜沙城邑如
故時人見漢旌使夾道泣訴問皇帝還念陷番生靈否
當猶稱已再世雖語言小訛而衣服未改至今涼州漢
戶猶稱二正代是鄆州戌卒每帥以吐蕃入朝使梁
開平二年正月遣使朝貢二月帥以吐蕃入朝使梁
領社論悉仰社論心為左領軍衛將軍同正乾化元年十一月又遣使
乞祿為右領軍衛將軍賜金帛等遣僧之後唐天成一
來朝召對于朝元殿賜金帛等遣僧之後唐天成一
一月遣使野利延孫等入貢并番僧四人持番書二封
人莫識其字二年正月以入朝使野利延孫等六人並
為歸德將軍其年九月又遣使朝貢以入朝使薛閣薛羅
等三人並為歸德郎將首領十人並為歸化司戈四年九
子撥瀟為歸德郎將首領十人並為歸化司戈四年九

月西涼府番官播心等來朝十月首領掇里忙布蘭瀟
等來朝並授歸德司戈長興三年二月又遣使朝貢二
月以朝貢使左廂首領野利間心為歸德大將軍右廂
首領錢心為歸化郎將軍中廂首領李讀等並為歸德
司侯重云都督對兒六突兒雞等並為歸德司侯其年
七月復遣使入朝引對於端明殿問本番牙帳去京師
遠近對曰在涇州西二千里四年十一月遣使來貢召
對於內殿賜以金帛仍各賜虎皮一張晉天福四年十
月罷延族大首領順二年九月西節度使申師厚奏吐
其族朝貢周廣順二年九月西節度使申師厚奏吐
蕃首領折逋支右廂崔虎心並授銀青光祿大夫檢校
副使折逋支右廂崔虎心並授銀青光祿大夫檢校
部尚書楊妃谷大首領沈念般授懷化大將軍左廂大
首領錢千悶篤為歸德大將軍右廂大首領葛于凝盧伴
逋窮羅並為懷德大將軍沈念般與龍文溫元積並為
騷奴並為歸德大將軍沈念般與龍文溫元積並為
懷化大將軍中廂首領岳阿西府沿路三處控扼各立
軍又奏自涇州安國鎮至西涼府沿路三處控扼各立
州名欲補大首領為刺史又管州界部落大首領三十
餘人名賜空名告身並從之太平寰宇記沙州周顯

君長名號梁拜易言等官爵遣左監門衛上將軍楊沼
押領還蕃至唐莊宗時王仁美遣使者來貢王馬自稱
權知可汗莊宗遣司農卿鄭續持節冊仁美為英義可
汗是歲仁美卒其弟狄銀立遣都督安千想等來同光
四年狄銀卒阿咄欲立天成二年權知國事王仁裕遣
李阿山等來明宗遣使者冊仁裕為順化可汗晉高祖
時又冊為奉化可汗阿咄欲不知其為狄銀親疎亦不
知其立卒而仁裕訖五代常來朝貢史亦失其紀其地
出玉犛牛綠野馬獨峯駝白貂鼠羚羊角礪砂膃肭臍
金剛鑽紅鹽罽氍駟駝之草其地宜白麥青麩麥黃麻

葱韭胡荽以橐駝耕而種其可汗常樓居妻號天公主
其國相號媚祿都督見可汗則去帽披髮而入以為禮
婦人總髮為髻高五六寸以紅絹囊之既嫁則加氍帽
又有別族號龍家其俗與回紇小異長興四年回鶻來
獻白鶻一聯明宗命解縲放之自明宗時常以馬市中
國其所賣寶玉皆鬻縣官而民犯禁為市者輒罪之周
太祖時除其禁民得與回鶻私市玉價由此倍賤顯德
中來獻玉世宗曰玉雖寶而無益却之五代史回鶻其先匈奴之種也
後魏時號為鐵勒亦名回紇唐元和四年本國可汗遣
使上言改為回鶻義取迴旋搏擊如鶻之迅捷也本牙
在天德西北娑陵水上距京師八千餘里唐天寶中安
祿山犯闕有助國討賊之功累朝尚主自號天驕大為

唐朝之患會昌初其國為黠戛斯所侵破之復為幽州
 帳至天德振武間時為石雄劉沔所襲破之蕃處之甘
 州由是族帳微弱其後時通中國吐蕃吐蕃處之甘
 每賜書詔亦嘗以甥呼之梁乾元殿引對以易言為右
 周易言等入朝進貢太祖御朝元殿引對以易言為右
 監門衛大將軍同正以石壽兒石論思並為右千牛衛
 將軍同正仍以左監門衛將軍楊沼充押領回鶻還蕃
 使通事舍人仇允通為判官厚賜紫衣後唐同光二年
 其入朝僧疑盧宜李思宜延錢等紫衣後唐同光二年
 四月其本國權知可汗仁美遣都督李引釋迦副使鐵
 林都監楊福安等共六十六人來貢方物并獻善馬九
 匹莊宗召對于文明殿乃命司農卿鄭績將作少監何
 延嗣持節冊仁美為英義可汗至其年十一月仁美卒
 其弟狄銀嗣立遣都督安千等來朝貢狄銀卒阿咄欲
 立亦遣使來貢名馬天成三年二月其權知可汗仁裕
 遣都督李阿山等一百二十人入貢明宗召對于崇元
 殿賜物有差其年三月命使冊仁裕為順化可汗四年
 又遣都督掣撥等五人來朝授掣撥等懷化司戈遣令
 還蕃長興元年十二月遣使翟未思三十餘人進馬八

十匹玉一團四年七月復遣都督李未等三十人來朝
 進白鶻一聯明宗召對于廣壽殿厚加錫賚仍命解放
 其鶻清泰二年七月遣都督陳福海已下七十八人進
 馬三百六十匹玉二十團八月勅回鶻朝貢使密祿都
 督陳福海可懷化郎將副使達奚相溫可懷化司階監
 使屈密錄阿撥可歸德司戈判官安均可懷化司戈晉
 天福三年十月遣使都督李萬全等朝貢以萬全為歸
 義大將軍監使雷福德為順化將軍四年三月又遣都
 督拽里敦來朝兼貢方物其月命衛尉卿邢德昭持節
 就冊為奉化可汗五年正月遣都督石海金等來貢良
 馬百駟并白玉團白玉鞍轡等謝其封冊漢乾祐元年
 五月遣使李屋為歸德大將軍副使安鐵山監使朱相溫為
 朝使李屋為歸德大將軍副使安鐵山監使朱相溫為
 歸德將軍判官翟毛哥為懷化將軍周廣順元年二月
 遣使并摩尼貢玉團七十有七白氍毹貂皮犛牛尾藥物
 等先是晉漢已來回鶻每至京師禁民以私衷市易其
 所有寶貨皆鬻之入官民間市易者罪之至是周太祖
 命除去舊法每回鶻來者聽私下交易官中不得禁詰
 由是玉之價直十損七八顯德六年二月又遣使朝貢
 獻玉并礪砂等物皆不納所入馬量給價錢時世宗以

玉雖稱寶無益國用故因而却之 五代會要回鶻本
 牙在天德西北娑陵水上距長安六千九百里唐天寶
 中安祿山犯闕有助國討賊之功累朝尚主自號天驕
 會昌初其國為黠戛斯所侵部族擾亂乃移帳至天德
 振武間又為石雄劉沔所襲破之復為幽州節度使張
 仲武所攻餘眾西奔歸于吐蕃吐蕃處之甘州其後時
 通中國世以中國為舅朝廷每賜書詔亦嘗以甥呼之
 梁乾化元年十一月遣都督周易言等入朝進貢太祖
 御朝元殿引對以易言為右監門衛大將軍同正弟略
 麥之石論思並為左千牛衛將軍同正弟李屋珠安鹽上
 並為右千牛衛將軍同正弟仍以左監門衛上將軍楊沼
 為左驍衛上將軍充押領迴鶻還蕃使通事舍人仇元
 通為判官厚賜繒帛押領迴鶻又賜其入朝僧凝盧宜
 年思宜延錢等紫衣後唐同光二年四月其本國權知
 可汗仁美遣都督李引釋迦副使田鐵林都監楊福安
 等共六十六人來貢方物并獻善馬九匹莊宗召對於
 文明殿仍命司農卿鄭質將作少監何延嗣持節冊仁
 美為英義可汗至其年十一月仁美卒其弟狄銀嗣立
 遣都督安千等來朝貢狄銀卒阿咄欲立亦遣使來貢
 名馬天成三年二月其權知可汗仁裕遣都督李阿山

等一百二十人入貢明宗召對於崇元殿賜物有差其
 年二月命使冊仁裕為順化可汗四年又遣都督掣撥
 等五人來朝貢授掣撥等懷化司戈遣令還長興元年
 十二月遣使翟來思三十餘人進馬八匹玉一團四
 宗復召對於廣壽殿厚加錫賚仍命解放其鶻一聯明
 年七月遣都督陳福海已下七十人進馬三百六十四
 玉二十團至八月勅迴鶻朝貢使密都陳福海可懷化
 郎將副使達奚相溫可懷化司階監使屈密錄阿撥可
 歸德司戈判官安均可懷化司戈晉天福三年十月遣
 使都督李萬全等朝貢以萬全為歸義大將軍監使雷
 使都督為順化將軍四年三月又遣都督拽里敦來朝兼
 福德為順化將軍四年三月又遣都督拽里敦來朝兼
 貢方物其月命衛尉卿邢德昭持節就冊為奉化可汗
 貢良馬百匹白玉團白玉鞍轡等謝其封冊漢乾祐元
 年五月遣使李屋等入朝貢方物並白玉藥物等七月
 以入朝使李屋為歸德大將軍副使安鐵山監使朱相
 溫並為歸德將軍判官翟毛歌為懷化將軍周廣順元
 年二月遣使并摩尼貢玉團七十七白氎豹羴牛尾藥
 物等先是晉漢已來迴鶻每至京師禁民勿私相易其
 所有寶貨皆中賣入官私下市易者罪之至是太祖命

五石書卷之二十四 四庫全書
除去舊法每迴鵠來者私下交易官中更不禁詰由是
玉之價直十損七八顯德六年二月又遣使朝貢獻玉
并礪砂等物皆不納所入馬量給價錢時
上以玉雖寶珍無益國用故因而却之

于闐國地君世物俗見于唐五代亂世中國多故不能
撫來四夷其常自通于中國者僅以名見其君世始終
皆不可知而于闐尤遠去京師萬里外其國西南近葱
嶺與婆羅門爲隣國而相去猶三千餘里南接吐蕃西
北至疎勒二千餘里晉天福三年于闐國王李聖天遣
使者馬繼榮來貢紅鹽鬱金羴牛尾玉氎等晉遣供奉
官張匡鄴假鴻臚卿彰武軍節度判官高居誨爲判官
冊聖天爲大寶于闐國王是歲冬十二月匡鄴等自靈

州行二歲至于闐至七年冬乃還而居誨頗記其往復
所見山川諸國而不能道聖天世次也居誨記曰自靈
州過黃河行三十里始涉沙入党項界曰細腰沙神點
沙至三公沙宿月支都督帳自此沙行四百餘里至黑
堡沙沙尤廣遂登沙嶺沙嶺党項牙也其酋曰捻崖天
子渡白停河至涼州自涼州西行五百里至甘州甘州
回鶻牙也其南山百餘里漢小月支之故地也有別族
號鹿角山沙陀云朱耶氏之遺族也自甘州西始涉磧
磧無水載水以行甘州人教晉使者作馬蹄木澁木澁
四竅馬蹄亦鑿四竅而綴之駝蹄則包以羴皮乃可行

西北五百里至肅州渡金河西百里出天門關又西百
里出玉門關經吐蕃界吐蕃男子冠中國帽婦人辮髮
戴瑟瑟珠云珠之好者一珠易一良馬西至瓜州沙州
二州多中國人聞晉使者來其刺史曹元深等郊迎問
使者天子起居瓜州南十里鳴沙山云冬夏殷殷有聲
如雷云禹貢流沙也又東南十里三危山云三苗之所
竄也其西渡都鄉河曰陽關沙州西曰仲雲族其牙帳
居胡盧磧云仲雲者小月支之遺種也其人勇而好戰
瓜沙之人皆憚之胡盧磧漢明帝時征匈奴屯田于吾
盧蓋其地也地無水而常寒多雪每天暖雪銷乃得水

匡鄴等西行入仲雲界至大屯城仲雲遣宰相四人都
督三十七人候晉使者匡鄴等以詔書慰諭之皆東向
拜自仲雲界西始涉醜磧無水掘地得濕沙人置之胸
以止渴又西渡陷河伐檉置水中乃渡不然則陷又西
至紺州紺州牙闐所置也在沙州西南云去京師九千
五百里矣又行二日至安軍州遂至于闐聖天衣冠如
中國其殿皆東向曰金冊殿有樓曰七鳳樓以蒲桃爲
酒又有紫酒青酒不知其所釀而味尤美其食粳沃以
蜜粟沃以酪其衣布帛有圍圍花木俗喜鬼神而好佛
聖天居處嘗以紫衣僧五十人列侍其年號同慶二十

九年其國東南曰銀州盧州涇州其南千三百里曰玉州云漢張騫所窮河源出于闐而山多玉者此山也其河源所出至于闐分為三東曰白玉河西曰綠玉河又西曰烏玉河三河皆有玉而色異每歲秋水涸國王撈玉于河然後國人得撈玉自靈州渡黃河至于闐往往見吐蕃族帳而于闐常與吐蕃相攻擊匡鄴等至于闐聖天頗責謂之以邀誓約匡鄴等還聖天又遣都督劉再昇獻玉千斤及玉印降魔杵等漢乾祐元年又遣使者王知鐸來

五代史于闐其俗好事鬼神 五代會要于闐在京師西九千九百餘里西南帶蔥嶺與婆羅門相接去三千里餘南與吐蕃接西北至疎勒國二千餘里國域之東有白玉河南有綠玉河次西

有烏玉河其源同出于崑岡山去于闐西一千三百餘里每歲至七八月小水之後取玉於河謂之撈玉官取之後方許私取禁令甚嚴地多蒲萄醞而為酒味極醇美其俗好事妖神唐正觀中其王伏闐信來朝復遣子入宿衛其後亦時來朝貢晉天福三年九月其王李聖天遣使馬繼榮進白玉白氈羴牛尾紅鹽鬱金礪砂大鵬砂玉裝鞞等物其年十月册聖天為大寶于闐國王命供奉官張匡鄴為國信使仍授入朝使馬繼榮為鎮國大將軍扶風郡開國公食邑二千戶副使黃門將軍張載通試衛尉卿殿頭承旨通事舍人吳順規試將作少監漢乾祐元年五月復遣使朝貢六月以入朝使王知鐸為檢校司空副使張文華判官秦元寶為檢校左右僕射監使劉行立檢校兵部尚書游官紀聞晉天福中高居誨從使于闐為判官作記紀其采玉處云玉河在國城外源出崑山西流三千餘里至國界牛頭山分為三日白玉河在城東三十里曰綠玉河在城西二十里曰烏玉河在綠玉河西七里源雖異玉隨地變故色不同每歲五六月水暴漲玉隨流至多寡由水細大水退乃可取方言曰撈玉國主未采禁人至河濱

高麗本扶餘之別種也其國地君世見于唐比他夷狄有姓氏而其官號略可曉其義當唐之末其王姓高氏同光二年遣使廣評侍郎韓申一副使春部少卿朴嚴來而其國王姓名史失不紀至長興三年權知國事王建遣使者來明宗乃拜建元菟州都督充大義軍使封高麗國王建高麗大族也開運二年建卒子武立乾祐四年武卒子昭立王氏王世終五代常來朝貢其立也必請命中國中國常優答之其地產銅銀周世宗時遣尙書水部員外郎韓彥卿以帛數千匹市銅于高麗以鑄錢六年昭遣使者貢黃銅五萬斤高麗俗知文字喜

讀書昭進別叙孝經一卷越王新義八卷皇靈孝經一

卷孝經雌圖一卷別叙叙孔子所生及弟子事迹越王

新義以越王為問目若今正義皇靈述延年辟穀雌圖

載日食星變皆不經之說五代史高麗本扶餘之別種其國都平壤城即漢樂浪郡

之故地在京師東四千餘里東渡海至于新羅西北渡遼水至于營州南渡海至于百濟北至靺鞨東西三千

國事三年一代若稱職者不拘年限對盧已下官總十

二級外置州縣六十餘大城置僑薩一人比都督小城

置道使一人比刺史其下各有僚佐分曹掌事其王以

白羅為冠白皮小帶咸以金飾唐貞觀末太宗伐之不

能下至總章初高宗命李勣率軍征之遂拔其城分其

地為郡縣及唐之末中原多事其國遂自立君長前

麗遣使貢紫白水晶二千顆五代會要高麗本扶餘

五千一百里東渡海至于新羅西北渡遼水至于營州
南渡海至于百濟北至鞞鞞東西三千一百里南北一
千里其官大者號大對盧比一品總知國事三年一
若稱職者不拘年限對盧已下官總十二級置外州縣
六十餘大城置僦薩一人比都督小城置通使一人比
刺史其下各有僚佐分曹掌事其王以白羅為冠白皮
小帶咸以金飾其俗多淫祀事靈星可汗箕子等神國
城東有大隧名曰隧神常以十月王自祭之俗好經書
至于庶賤之家各有衢路造大屋謂之局堂子孫晝夜
讀書習射前王姓高氏世通中國常遣使朝貢後唐同
光三年十一月遣使廣評侍郎上柱國韓申一副使春
部少卿朴嚴來貢方物至四年正月授韓申一朝散大
夫試殿中監朴嚴朝散郎試秘書郎又天咸三年二
月十二日學士院記事樞密院近送到權知高麗國諸
軍事王建表令賜詔書者其高麗國未曾有人使到闕
院中並無彼國詔書式樣未審呼卿呼汝兼使何色紙
書寫及封裏事例伏請特賜參酌詳定報院者中書帖
太常禮院體析申堂據狀申謹按本朝太宗皇帝親平
其國後不立後嗣是以祇書新羅國請約賜新羅國王
書詔體樣脩寫奉勅賜高麗國書詔宜依賜新羅渤海

兩蕃書詔體樣脩寫 又天咸四年八月復遣廣評侍
郎張玠等五十二人來朝貢銀香獅子銀鑪金裝釵鏤
雲星刀劍馬匹金銀鷹繚鞞白紵白氈頭髮人參香油
銀鏤剪刀鉗鉞松子等長興三年二月復遣使大相王
儒來朝其年六月以權知國事王建為特進檢校太保
使持節元菟州都督充大義軍使兼御史大夫上柱國
高麗國王七月又以其妻柳氏為河東郡夫人清泰二
年十二月遣使禮賓卿邢順將少監副使崔遠試少府監主
簿其年又遣使王子大相王規等來貢方物以大相王
規為檢校尚書右僕射副使廣評侍郎崔禹試將作監
其隨行節級等三十餘人並授司戈司陞等職晉天福
三年八月青州奏高麗國宿衛質子王仁翟乞放歸鄉
里從之四年九月復遣廣評侍郎邢順等七十二人來
貢方物六年八月其國王建為開府儀同三司檢校太
師使持節元菟州都督充大義軍使高麗國王命國子
博士謝攀持節就冊之八年復遣太子大相王申一等
來開運元年正月以入朝使王子大相王守倉部令上柱
國賜紫金魚袋王申一為檢校尚書右僕射正朝守廣
評侍郎柱國丹金魚袋柳迥訓檢校禮部尚書守廣評

郎中韓李康試衛尉卿守廣評郎中朴元信試太府少
卿守兵部主事韋安試將作監主簿以進奉賀登極使
正朝前守廣評侍郎柱國丹金魚袋金仁逢可檢校工
部尚書副使禮賓卿柱國丹金魚袋金裕可試太府卿
判官兵部郎中張規可試衛尉少卿二年其國王王建
卒其子武嗣位十月遣使廣評侍郎朝立珪副使前禮
賓卿金廉等一十八人來朝二月以權知高麗國事
王武爲特進檢校太保使持節元菟州都督充大義軍
使兼御史大夫高麗國王仍命光祿卿范光政太子洗
馬張李凝就行冊命王武者王建之子本國中族國
中推而爲主有智兵力日盛以兵并三韓百濟之地東
夷君長最爲雄盛漢乾祐末王武死其子王昭代立周
廣順元年正月遣廣評侍郎徐逢等九十七人來朝貢
二月以權知高麗國事王昭爲特進檢校太保使持節
元菟州都督充大義軍使兼御史大夫高麗國王仍命
衛尉卿劉皞通事舍人顧彥浦持節冊之劉皞等卒於
路顧彥浦溺海而死二年九月復以太僕少卿王演借
衛尉卿充高麗國冊禮使右衛率府呂繼贊借將作少
監充副使顯德二年十月復遣使王子大相王融來貢
方物又遣廣評侍郎荀質來賀登極其年十二月授其

三才圖會卷二十四 四庫全書

國王王昭開府儀同三司檢校太師高麗國王五年六
月命尚書水部員外郎韓彥卿尚輦奉御金彥英使於
高麗因命賫帛數千匹就彼市銅以備鑄錢之用六年
正月又遣其臣王子佐丞王兢佐伊王甫魏光等貢名
馬織成衣襖弓劍等其年八月遣使進別序孝經一卷
越王新義孝經八卷皇靈孝經一卷孝經雌圖三卷別
序者記孔子所生及弟子從學之事新義者王爲問目
以釋疏文之是非皇靈者止說延年辟災之事及志符
文乃道書也雖圖者止說月之環暈星之彗孛乃識緯
之書也陸游南唐書高麗傳高麗至五代初名曰大
封其王高氏名躬又躬又晚年果於誅殺吳順義二年
當梁之龍德二年爲海軍統帥王建所殺建自立去大
封之名復稱高麗以開州爲東京平壤爲西京吳天祚
二年當晉之天福元年敗新羅百濟于是倭耽浮驩於
羅鐵勒東夷諸國皆附之有二京六府九節度百二十
郡內列十省四部官服紫丹緋綠青碧青碧以年序遷
緣以上選才能賜之俸祿賦以田租尙冠禮略如古制
婚姻男女執手自相媒許俗重匾頭生男旦旦按壓其
首惟恐不匾也昇元二年遣使來貢方物所上書稱踐
儀式如表而不稱臣烈祖御武功殿設細仗見其使自

三才圖會卷二十四 四庫全書

言代主朝覲拜舞甚恭宴于崇英殿出龜茲樂作番戲
召學士承旨孫忌侍宴三年又遣其廣評侍郎柳勳律
來貢方物其後史冊殘闕來與否不可考矣通鑑注
宋白曰晉天福中有西域僧襪來朝善火卜俄辭高
祖請遊高麗王建甚禮之時契丹併渤海之地有年矣
建因從容謂襪曰渤海本吾親戚之國其王為契丹
所虜吾欲為朝廷攻而取之且欲平其舊怨師迴為言
於天子當定期兩襲之襪還具奏高祖不報出帝與
契丹交兵襪復奏之帝遣郭仁遇飛詔諭建深攻其
地以牽脅之會建已卒武知國事與其父之大臣不叶
自相魚肉內難稍平兵威未振且夷人性懦襪之言
皆建虛誕耳清異錄後唐時高麗遣其廣評侍郎韓
申一來申一通書史臨回召對便殿出新貢林慮漿面
賜之又同光年高麗行人至副使者春部少卿上柱
國朴崑叟文雅如中朝賢士既行吏掃除其館舍得餘
燭半挺其末紅印篆文曰光濟叟叟蓋以命燭也文
昌雜錄熙寧中王微病詔醫官馬世長往治之歸得東
觀漢記七冊彼亦自無完本然俗好經書至於庶賤之
家各於衢路造大屋謂局堂子弟晝夜誦讀云

渤海本號靺鞨高麗之別種也唐高宗滅高麗徙其人
散處中國置安東都護府于平壤以統治之武后時契
丹攻北邊高麗別種大乞乞仲象與靺鞨酋長乞四比
羽走遼東分王高麗故地武后遣將擊殺乞四比羽而
乞乞仲象亦病死仲象子祚榮立因并有比羽之衆其
衆四十萬人據挹婁臣于唐至中宗時置忽汗州以祚
榮為都督封渤海郡王其後世遂號渤海其貴族姓大
氏松漠紀聞渤海國去燕京女真所都各一千五
百里以石累城足東並海其王舊以大為姓開平
元年國王大諲譔遣使者來訖顯德常來朝貢其國土
物產與高麗同諲譔世次立卒史失其紀五代史渤海
靺鞨其俗呼

其王為可毒失對面呼聖牋奏呼基下父曰老王母曰
太妃妻曰貴妃長子曰副王諸子曰王子世以大氏為
會長 五代會要渤海靺鞨本高麗種唐總章中高宗
平高麗徙其人散居中國置州縣于遼外就平壤城置
安東都護府以統之至萬歲通天中契丹李萬榮反攻
陷營府有高麗別種大舍利乞仲象大姓舍利官乞
乞仲象名也與靺鞨反人乞比羽走保遼東分王高
麗故地則天封乞比羽許國公大舍利乞仲象震
國公乞四比羽不受命則天命將軍李楷固臨陳斬之
時乞乞仲象已死其子大祚榮繼立并有比羽之眾勝
兵丁戶四十餘萬保據邑婁故地至聖歷中稱臣朝貢
中宗命侍御史張行岌就往宣慰號其都為忽汗州以
祚榮為可毒汗州都督封渤海郡王國自稱渤海其俗呼
其王為可毒失對面呼聖王賤表呼基下父曰老王母
曰太妃妻曰貴妃長子曰副王諸子曰王子代以為大
會終唐室朝貢不絕梁開平元年五月其王大諲譔遣
王子大昭順來貢方物至二年又遣殿中少令崔禮光
來朝三年三月遣其相大誠諤來朝兼貢女口乾化二
年五月又遣王子大光贊來朝貢方物太祖厚有錫賜
後唐同光二年正月遣王子大禹謨來朝五月又遣王

子大元讓來朝莊宗賜金綵以遣之八月又遣姪學堂
親衛大元謙試國子監丞三年二月又遣使裴球貢方
物進細女口五月以入朝使政堂省守和部少卿賜紫
金魚袋裴球為右贊善大夫天成元年四月遣使大陳
林等一百十六人來朝貢進男口女口各三人并人參
隗布白附子等其年七月遣使大照佐等六人朝貢先
是契丹大首領邪律案巴堅兵力雄盛東北諸番多臣
屬之以渤海國王土地相接常有併吞之志是歲率諸
番部落攻渤海扶餘城不之改扶餘為東丹府命其子
突欲畱兵鎮之未幾案巴堅殂渤海命其弟率兵攻扶
餘城不能克保衆而退四年五月又遣高正詞入朝貢
方物七月以正詞為太子洗馬長興二年十二月遣使
成文角來朝三年正月又遣使武軍長史奏事右錄
事試大理評事高保又為朝散郎右驍衛長史並賜金
紫清泰二年十二月遣使列周道等入朝貢方物三年
二月以入朝使南海府都督列周道為檢校工部尚書
政堂省工部卿烏濟顯試光祿卿周顯德元年七月渤
海國崔烏斯多
等三十人歸化

新羅弁韓之遺種也其國地君世物俗見于唐其大族曰金氏朴氏自唐高祖時封金真為樂浪郡王其後世常為君長同光元年新羅國王金朴英遣使來朝貢長興四年權知國事金溥遣使來朴英溥世次卒立史皆失其紀松漠紀聞契丹阿保機滅其王大誣譏徙其名關市皆不征有自晉以後不復至五代史新羅其國俗戰則用為前驅是月拜日月之神婦人以髮繞頭用綵及珠為飾髮甚鬢美五代會要新羅弁韓之苗裔其國在漢樂浪郡之地南東俱限大海西接百濟南隣高麗東西千里南北二千里有城邑村落其王所居曰金城周七八里衛兵三千人文武官凡十七等風俗刑法與高麗等同而朝服尚白人多金朴兩姓俗重九日相慶賀以是日拜日月之神婦人以髮繞頭用綵及珠為飾髮甚美其王金真唐武德四年封樂浪郡王龍朔三年又以國為

雞林州授其王雞林州都督世以金氏為酋長朝貢不絕後唐同光元年十一月其王金朴英遣倉部侍郎金樂錄事參軍金幼卿來朝貢二年六月又遣使朝散大夫倉部侍郎賜紫金岳來朝貢授金岳朝議大夫試衛尉卿天成二年二月遣使張芬等來朝其年三月以新羅國權知康州事王逢規為懷化大將軍新羅國前登州都督府長史張希巖新羅州知後官本國金州司馬李彥謨並檢校右散騎常侍其月又以入朝使中散大夫兵部侍郎兼賜紫金魚袋張芬為檢校工部尚書副使兵部郎中朴述洪御史中丞判官倉部員外郎李忠式兼御史其年四月新羅國康州遣使林彥來朝貢詔對於中興殿賜物有差四年二月青州奏於登州岸獲新羅船一隻進其寶貨長興二年四月以入朝使金溥遣使金肫來貢方物清泰二年二月以入朝使執事使司賓大卿李儒試將作少監

黑水靺鞨本號勿吉當後魏時見中國其國東至海南界高麗西接突厥北隣室韋蓋肅慎氏之地也其眾分

爲數十部而黑水靺鞨最處其北尤勁悍無文字之記
其兵角弓楛矢同光二年黑水兀兒遣使者來其後常
來朝貢自登州泛海出青州明年黑水胡獨鹿亦遣使
來兀兒胡獨鹿若其兩部酋長各以使來而其部族世
次立卒史皆失其紀至長興三年胡獨鹿卒子桃李花
立嘗請命中國後遂不復見云

貴壯而賤老俗無文字兵器有角弓楛矢

五代史黑水靺鞨其俗皆編髮性凶悍無憂戚

南詔蠻見于唐其國在漢故永昌郡之東姚州之西僖
宗幸蜀募能使南詔者得宗室子李龜年及徐虎虎姪
藹乃以龜年爲使虎爲副藹爲判官使南詔南詔所居

曰苴咩城龜年等不至苴咩至善闡得其要約與唐爲
甥舅僖宗許以安化公主妻之南詔大喜遣人隨龜年
等求公主已而黃巢敗收復長安僖宗東還乃止同光
二年魏王繼岌及郭崇韜等破蜀得王衍時所俘南詔
蠻數十人又得徐藹自言嘗使南詔乃矯詔還其所俘
遣藹等持金帛招撫南詔諭以威德南詔不納至明宗
時嵩州山後兩林百蠻都鬼主右武衛大將軍季卑晚
遣大鬼主傅能何華來朝貢明宗拜卑晚寧遠將軍又
以大渡河南山前邛州六姓都鬼主懷安郡王勿定標
莎爲定遠將軍明年遣左金吾衛將軍烏昭遠爲入蠻

國信使昭遠不能達而還五代會要南詔蠻本烏蠻之
 西蠻俗謂王曰詔其先渠帥有六故號六詔各有君長
 不相統攝廣明中亦時來朝貢後唐同光三年閏十二
 月魏王繼岌奏遣使賫書招諭南詔蠻時初平蜀川乃
 募會使南詔者有秦州副史徐藹諸雲南苴咩城路且
 云唐中和年僖宗在蜀命副使王龜年使雲南藹父為
 副使藹為判官時不到苴咩城祇達善闡迴約為甥舅
 詐降安化公主雲南使來迎公主使舊收復長安黃
 巢東走乃託以他歲而止天成年十月供奉官李彥
 楷高品李光裕雲南使迴山後兩林百蠻都鬼主右武
 衛大將軍李早晚差大鬼主傳能阿花等來朝貢明宗
 御文明殿引對百官稱賀時李早晚為寧遠將軍大渡
 河南山前印州六姓都鬼主懷安郡王勿定標沙為定
 遠將軍二年七月以左金吾衛將軍烏昭遠為左衛上
 將軍入蠻國信使其年九月西川奏據黎州狀申雲南
 使趙和於大渡河南起舍一問雷信物十五籠并雜請
 一卷遞至闕下初郭崇韜平蜀之後得王衍昔獲俘數
 千以天子命合使人入其部被止于界上惟國信與蠻
 俘得往續有轉牒稱都督爽大和長國宰相布燮等上

大人唐皇帝男奏疏一封白鶴拓歷至幾美白崖爽等
 又入弄棟演習白鸚鵡郡膳裔爽等又入平夷新安寧
 遠標沙差人轉送黎州其紙厚硬如皮筆力尤健有詔
 本後有都爽弛着忍爽王保王寶都彌勒君爽董德義
 都爽長垣忍爽緯楊布燮所署有彩牋一軸轉韻詩一
 章章三韻其一聯有類擊筑詞頗有思本朝姻親之意
 理亦不遜其籠中即返其國信舊封猶存復命左衛上
 將軍烏昭遠往皆不能去冊府元龜後唐魏王繼岌
 以莊宗同光三年冬平蜀遣使齋書詔南詔蠻時郭崇
 韜欲聲教達於南荒募蜀州曾使南詔者有秦州副使
 徐藹諸雲南苴咩城途路且云中和二年僖宗在蜀令
 嗣王龜年使雲南藹父虔為副使藹為判官時不到
 苴咩城只達於善闡回時約為甥舅許出降安化公主
 雲南使來迎公主次驛報收長安黃巢東走乃託以佗
 歲之牛叢尚書作鎮為蠻寇憑陵無以抗拒高駢自東
 苦之牛叢尚書作鎮為蠻寇憑陵無以抗拒高駢自東
 平移鎮成都蠻猶傳蜀城駢先選驍銳救急人人背神
 符一道蠻規知之望風而遁爾後僖宗幸蜀深疑作梗
 乃許降公主蠻王以連嫺大國喜幸逾常因命宰相趙
 隆眉楊奇鯤段義宗來迎行在且迎公主高太尉自淮

海飛章云南蠻心膂唯此數人請止而鳩之迄僖宗還京南方無虞用高公之策也楊奇鯤輩皆有詞藻途中詩云風裏浪花吹又白雨中嵐影洗還青江鷗聚處窗前見林狹啼時枕上聽詞甚清美

牂牁蠻在辰州西千五百里以耕植為生而無城郭聚落有所攻擊則相屯聚刻木為契其首領姓謝氏其名

見于唐至天成二年嘗一至其使者曰清州八郡刺史

宋朝化冠帶如中國貢草豆蔻二萬箇朱砂五百兩蠟

二百斤五代史牂牁蠻其國法劫盜者三倍還贖殺人者出牛馬三十頭乃得贖死五代會要牂牁

蠻其地北去州一百五十里東至辰州二千四百里南至交州一千五百里西至昆明九百里無城郭散居

村落多霖雨稻皆再熟無徭役唯征戰之時乃相屯聚刻木為契其法劫盜者三倍還贖殺人者出牛馬三十

頭乃得贖死首領姓謝氏唐室頻遣使朝貢後唐天成二年八月牂牁青州八郡刺史宋朝化等一百五十人

來朝貢進草荳蔻二萬顆硃砂五百兩黃蠟二百斤各賜官誥金帛遣之文獻通考唐置費珍莊爰播即牂

夷等州其地北距州百五十里東距辰州二千四百里南距交州一千五百里西距昆明九百里無城郭散

居村落上多霖雨稻粟皆再熟無徭役將征戰乃屯聚刻木為契其法劫盜者償其主三倍殺人者出牛馬三

十頭與其家以贖死疾病無醫藥但擊銅鈔羅以祀神風俗與東謝蠻同唐末王建據西川由是不通中國後

唐天成二年牂牁清河刺史宋朝化等一百五十人來朝孟知祥據蜀復不通朝貢

昆明在黔州西南三千里外地產羊馬其人椎髻跣足披氍其首領披虎皮天成二年嘗一至其首領號昆明

大鬼主羅殿王普露靜王九部落各遣使者來使者號

若土附牂牁以來五代史昆明部落其俗椎髻跣足酋長披虎皮下者披氍五代會要昆

明部落在黔州西南三千里山路險阻住止高欄亦有羊馬其俗椎髻跣足酋長披虎皮下者披氍後唐天成


二年八月昆明大鬼主羅殿王普露靜王九部落各差使等隨牂牁來朝貢

占城在西南海上其地方千里東至海西至雲南南隣真臘北抵驩州其人俗與大食同其乘象馬其食稻米水兕山羊鳥獸之奇犀孔雀白前世未嘗通中國顯德五年其國王因德漫遣使者莆訶散來貢猛火油八十四瓶薔薇水十五瓶其表以貝多葉書之以香木為函猛火油以灑物得水則出火薔薇水云得自西域以灑衣雖敝而香不滅五代四夷見中國者遠不過于闐占城史之所紀其西北頗詳而東南尤略蓋其遠而罕至且不為中國利害云

五代史占城本地鳥之大者有孔雀 五代會要占城國在中國西

南其地東西一百里南北二千里東暨海西暨雲南南暨真臘國北暨驩州界東北至兩浙海行一月程其衣服制度大畧與大食國同所乘皆象馬粒食稻米肉食水兕山羊之類獸之奇者有犀牛角之珍者有孔雀前世多不與中國通周顯德五年九月其國王因德漫遣其臣莆訶散等來貢方物中有灑衣薔薇水一十五瓶言出白西域凡水之需衣香而不黦又貢猛火油八十四琉璃瓶引對于內殿賜以冠帶衣服等其表文以貝多葉檢以香木函其年十一月入朝使莆訶散金姿巨羅辭各賜繪帛有差仍命齎金銀器一千兩繪絲一千疋細甲名馬銀鞍勒等就賜其國王游宦紀聞占城國前此未嘗與中國通周顯德五年國王因德漫云云已上見五代史四夷附錄內典云人火得水則滅龍火能變火龍不見石人不見風魚不見水鬼不見地此亦理也


南齊書卷七十四



右五代史記注七十四卷吾 師萍鄉宮保承南昌
彭文勤公未竟之業排比纂輯閱二十年而始成者
也撰集緣起泉采掇諸書詳于吾 師自述敘例毋
俟贅言文勤當日雖悉本裴松之注三國志遺意以
注是書然竊謂松之于元嘉中受詔為注去陳壽作
史時未遠六朝以前舊籍頗存故得網羅繁富恣其
刺取雜引前聞旁及瑣事洵足為壽之功臣至其疏
通證明大半參以己意且徵引既廣間或鄰于嗜奇
不免後人抨擊固由論古者好為苛繩抑亦見著書
之難也吾 師遭逢

右文盛世

天府著錄凡昔之散佚遺編皆晦而復顯斯注所摭自
舊史及會要外尙有二百數十餘種之多以眎松之
之引書一百四十三種奚啻倍之兼又以書注書弗
參己說條分件繫旁推交通博而不濫精而不溢既
無支蔓猥雜之弊復不似酈道元李善之割裂字句
義例謹嚴前所未有與裴注絜長較短異同難易蓋
有間矣文 曩預編校之役茲幸剞劂告竣用敢引
伸微悒以諭世之讀是書者道光戊子冬十一月受
業海昌楊文蓀謹識



70018469

